

蕭忠惠公集

蘇軾詩集

宋端明殿學士蔡忠惠公文集卷之一

清裔孫

仕舛詒霞甫
廷魁經五甫

校梓

賦

士伸知己賦

古有云賤而達已者道必有裕貴而得士者禮必與

鈞意關榮以高世竭游名於大人威鳳下而覽德微

蠖屈而求伸謂周公多才揮沐吐飧

一作食

而延白屋

顏子具聖砥名礪行而附青雲故我浩氣

一作氣浩

集義

遊於天眞默守節而無悶動會時而益振彬文薄乎

河漢長算驚乎臣鄰指素絲而稟潔紉香草今生春

彼美君子風度瑰偉烏在其蔓葛以均戚寧藉乎樹

紛而接里夷廉嶷

一作凝

而索

一作系

言詣

一作誼

幽眇而

鈞旨判柔植於異畦決斷涇於東水始傾崑而娛玩

遽倒廩而矜侈眈聖域以同奧秩皇塗而竝軌雖韜

瑕可以取璧兼體可以收

一作救

菲矧或太公蛻北海

之居安石翔東山而起我拒其歸誰執茲恥必使右

雪苑之席屣繡衣之履繩引堯舜以致君蒙合燕趙

之多士苟氣協而聲同皆克濟乎薰美者也且夫虹

玉隱乎巉石玼珠

一作玼珠

淪乎層漪麒麟非犬羊

一作馬

之比鱣鰓

一作鱣

豈螻蟻之持沕明淵而自得曷怵

一作

悚

迫而外移華屋千棖柔繒

一作莢

百帷

一作枚

積粟乎

京坻躍馬乎駟驪匪衷藏之雅尚羗

一作差

得志而弗

爲何蘊諛

一作諛

以發顏何挾巧而譎辭宜乎厚德表

世嘉聞蓋時身享崇高之貴目

一無目字

瞻咫尺之儀謂

朽株可萬乘之器廊廟非一木之支

一作枝

得于道不

伐乎衆公推

一作擢

于室不憊乎內私舉巖穴而悚觀

峩冠佩而來思上弗求焉無曰蔑當吾取下弗進焉

無曰胡爲我知然則人之膠于今者或安于近泥乎
古者或昧乎通擇其粉墨之異考以宮商之同射乃
墉上蕤乎一作宜日中鳴雀陰而子和雕虎嘯而生風

不然則名位相雄師學相攻耕石田而待稔懷珍鬚
而適戎故非五難而吐論和再刖而處窮嗟乎木秀
林而必摧士入朝而見嫉絳灌隱堤而賈遷椒蘭發
機而原黜子冉膏舌而墨幽臧倉園睛一作精而軻逸

夜光明月招訶按劒之年流水高山沈思絕絃之日
在孤見之卓越發羣蔽之豐密借如說困刑戮何擬

其芳尹一作伊恬耜耨何鋪其香若歲旱而澤及

衡而自將惟聖睿之覲一作親逢俾業履之猗昌奚仕

虞而弭廢由自戎而虜亡秦何售之而遂用遽厚之

而遐疆仲負弩而仇君鮑何奪徽纒與鋒鉞弗芥薑

乎左右麾千一作十侯而拱天王設隕越於九淵幾夷

衽而易鄉寧倚輈而鳴唼桓何寶其琅琅醴肆語而

靡著向何悟而趨下堂伊却勳之末圖胥何利乎錫

上越石娛薪以相伴嬰何次驂而奄取平負郭而久

貧何梯魏而康寓信鼓刀以周身何翼蕭而登輔節

信疲於游宦何忧心於皇甫正平蹶於羈雌何銜能

於文舉亮覘時而養晦

一作晦躅一作晦身

蜀何奮之于叟

蒙署籍而委質吳何抗之于卒旅

一作塞

斯類之有

徒殫筠素而易叙

一作被

王公之宏畧豈數子智謀

之補畏遺德於冥鴻思灑

一作鹿

恩乎施雨向使失風

雲之會構奇衰之伍或侘傺

一作際立

于草茅或殲危于

俘虜亘天地以寂寥尚何流嘉風而建英矩者哉今

茲有人遠陶聖世少齒鄉蠻根雲英

一作英雲

之節奏表

畛域而墾耕躋陵隅之峻嶮

一作峩

泳根埃之淵渟若

夫名山首乎黃老鬼谷譎乎縱橫桑羊役乎術計商
決刻乎刑名姑還車而卻步曰吾肆之豐羸旣披闕
里而僑貢未幾唱第于天楹賦從軍兮南三天蓋一作

五而回星莽然喘而外眩愚幽墨而無營憧百趾

以高附愚邐環而後行嶢決辨以旁肆愚抑闕而籍
聲紛結游以走譽愚友益而盡傾親冒頤一作而雙

白又齊伐乎大庭第假田不足以羞旨烏敢斬外物
而薦榮晞往躅而結援塊回沈而崢嶸介語默于蒨
室其誰燭之而使明勾蘖芽于瘠壤又其誰育之而

使成豈云病哇而諂笑哀絃而賣名然世主炎黃之

化鼎連

一作建

邴魏之風時乎時者難值旦復旦以親

逢儻率道而自進立誠知命抑在乎其中亂曰善知

人者豈古有而今無善求知者豈彼智而茲愚儻固

其竄而厚其薄必幽者綆而培者扶進抑時而退抑

命爾其守約而于于者乎

季秋牡丹賦

并序

爽秋涉杪扶欄間有牡丹舊併輒吐芳棧亭亭上

擢發紅葩一大可徑咫尺角春取勝無聞然爾扶欄

當采翠亭之右亭屹縣圃之西北隅圃直縣堂之

背縣介大江之南蓋漢元朔中江都易王上封其

子敢為丹陽侯采邑

一作邑于

蕪湖此其地也

一作歟

今

為太平州堯時河間凌公尹之行再葺矣政休賦

集又所瀨江英游雅故受署齋代被名

一作石

將命

者憧憧然率道其疆故觴詠之娛相因無缺及此

珍卉馨茂公有非

一作異

時之異

一作貴

趣張具高會

于其側

一此下有所謂采翠亭者六字

酒三行莆陽蔡襄酌舉而

言曰公走

一作起

文章聲二紀于茲顛葆幾華位不

過禁省貳丞官不過萬戶長吏而善禦外物居頗
休閒獨以浩博記書稱道聖明爲事今是花也韜
英和緒揭麗蕭辰時雖後而且大盛意者公其日
寢亨會才慮將有所售乎昔騷人取香草美人以
媿忠潔之士牡丹者抑其類歟請爲公賦之其詞
曰

朔羽南翔建杓西宅霜天一清露草皆白悲哉轉涼
葉於亭臯兮悵穠華之間寂均百芳

一作草

之不能秋

兮何子花天

一作天

姿之的的使人觀之若披大暑兮

臨清湘剝層霾兮仰白日厥初槁壤潛春扶欄向夕

芳枝舉以融怡絳蕊局

一作局

兮羃歷寶霧宵籠鮮風

曉折麗或中

去聲

人香可專國刻紅炬以烘燄綴彤霞

而薦色鬱弗誰語丰茸自持非倚瑟之神女抑善賦

之文姬俯

一作盼

清都而時下簸晴暘以孤嬉霄顙瀚

一作汗

今排金扉氣沆蕩

一作硠

今張寶帷霓燭煜今揭

朱旗雲腫隴兮護纁衣韞綠跼兮曠修眉姹鮮萼兮

伸微辭沛怡愉兮新相知眇悽惻兮送將歸桃有援

兮溪之曲蓮爲媒兮澤之涓嗟

一作卷

此物之善遠亶

夫君之後時君不聞佳麗皇州喧繁戚里清籟迢迢

名園疊疊綺櫳曉兮金鑷黃

一作聲

繡牆明兮雨苔紫

嚴霰才歸光風半起於是萬帶駢紅交柯結翠密顏

紆餘斜袂輕綺文鴛羣飛鶴

一作霍

錦橫被繚蓋攀聯

緹裳積委則有姝姝玉人翩翩卿子葆韉過兮飛電

珠幃來兮流水擁翫嘉辰笑語成市彼瓊蕤美英縹

葉新蘼羗

一作羞

不得借其餘光矧標揚乎意氣今何

爲兮江之干地之卑兮歲將闕荆蕪北兮霜月寒望

下苑兮思上蘭嘉本擢兮靈根盤泊

一作遠

淮波兮鮮

楚山是知元冶一陶昌生萬族

一作育

無左右先容

一作

游

者淪乎朽株當匠伯不顧者被之散木譬此花之

賦命兮亦節暮而葩獨然貴賤反衍禍福倚伏其暮也何遽不爲貴其獨也庸知不爲福噫化工物情吾

以茲

一作花卜

慈竹賦

種植至多強名萬彙物拔其萃茲乃當天地之正氣

有美竹兮特稟挾

一作夫

慈名而榮被豈有懷於本根

今何千竿蓊然而環侍若夫吳郡名園王家新第遠

閣斜闌橫塘靜水或薰風晝來或秋露宵墜日遲留

兮簷外陰移人悽悄兮屏間籟起方且濯峭格而清

舉足檀

一作團

樂之生意或翹而舉者若堂有高年兮

動

一作勤

素風而講議或亞而側者若家有令子兮感

一作聞

話言而沉思俵如出門而事遠遊兮滋宿雨之

清淚雍如奉庖而介眉壽兮幕春煙而怡醉紫芽蟠

聯馨兒季穉去者奔追迎者嬉戲竦

一作疎

者如招竝

者如倚雖復貫千狀於巧筆曾莫形其倣彿

一作放悲借

如秋晚霜重兮萬木零零

一作臨臨一作林林

而僵悴隴榆盡

兮塞月高堤楓丹兮楚江紫此君廼

一作也

東藍田之

苗玉刻炎州之梢翠固節虛心兮雖大鈞不能奪其

志于是揖三荆於堂下結蔓藟於河涘襲氣同根之

豆交驩承萼之棣顧威鳳之時下亦孝烏之來寄設

有用於律箭天聲發兮太和備觀此芳物悲哉遠人

昔我從軍兮南之海濱今我辭家兮西遊洛塵暢然

於舊國舊都感莊生之論恭止乎維桑與梓諷周傳

之陳指白雲兮天遠採幽蘭兮

一作而

露新嗟碧鮮之

得地乃叢茆

莫保反

而相親吾議爾德豈止乎千畝之

消侯

一作濱

當訂萬石之封君者也

四言古詩

親祀南郊詩

并表

臣襄言伏觀皇帝陛下

一省陛下二字

親執牲玉以饗上

帝酌定大樂登侑三聖天地清霽神祇歆格陛下

齋精至誠著見夫此

一作兩間

臣叨從法駕躬觀禮文

之盛職在詞掖不敢以虛陋自棄謹撰成親祀南

郊四言古詩一章凡一百七十六句雖不足以道

誦德業之光然采掇大畧

一作畧一掇大要

垂傳遐域亦愚